

元明事類鈔

總校官知縣臣繆琪

校對官中書臣李斯咏

膳錄監生臣王栻

欽定四庫全書

元明事類鈔卷三十六

監察御史姚之駟撰

材木門

松

支離叟 元史類編鮮于樞嘗於廢圃得恠松一株移
至屋前呼為支離叟

手植松 長安客話彞倫堂前古松是元儒許衡手植

松實 江鄰幾禱志順帝時明州松樹結寔其大有盈尺者

薪巨松 輟耕錄白湛園先生續演雅詩灤人薪巨松童山八百里蓋去上都二百里即古松林千里其大十圍居人薪之將八百里也

張雨繳 元王綏詩所居有長松蔚蔚張雨繳

寫髯官 楊維禎題萬松圖詩亟呼圓瓦倒墨汁畫寫髯官立成仗羣爭十丈百丈身氣敵千人萬人將

龍形 謝宗可龍形松詩紫髯夜濕千山雨鍊甲春生
萬壑雷

十八公 元馮子振十八公賦序上京東北百數十里
為蹕林即古八百里黑松林也又數十里為孤驛松
一根十八榦共挺挺植立頂領撐矗勢各合抱不令
參差下視蒼岡翠麓無敢抗行其崛竒瓌傑殆九州
之表未之有也

白松 許有壬遊林慮山記支提龕山門有白松皮葉

金匱山房集
卷三十六
皆異

脩陵樹 燕都遊覽志松園在昌平州延袤里許皆松
以便陵樹缺移栽也二百年來禁人樵採遂成大林
雙偃松 帝京景物畧送客出廣寧門者率置酒報國
寺二偃松下左之偃不過簷甍右之偃下俯欄石影
無遠移遙枝相及明梁于溪報國寺松歌繞殿古松
十三株有二病癯中人軀綠影倒地苔蘚及倩爾朱
柱為攬扶如兩禿頂來西胡胡旋舞進金鉢孟如兩

毒龍降伏久頭角則俯揚其鬚

一松一形 黃山志山松一松成一形無有重複若楊
枝洒淨松簪纓松棋枰松其最著也極大者有擾龍
松蒲團松破石松倒掛松接引松變化離奇不一而
足

對松 登岱記十八盤兩峽口各有松數十株蒼翠相
掩里人名其山為對松山

值萬錢 天目山記天目山松形如蓋高不踰數尺一

株值萬餘錢

西苑松 西苑記自兩掖洞門而升上有古松三株枝
幹如龍奮爪雲表

赤鯉空飛 都昌縣志柴棚鎮有古松一株太祖征偽
諒時駐其下萬厯時知縣王廷策即地建亭豎梁時
有赤鯉從空飛下

蟲食樹 萬厯注畧三十二年諸陵松樹蟲食殆盡
執松而坐 日本志戚繼光勦倭率衆先伏上風次日

兵出頗早下令各斫一松樹執而坐賊望見意為林木俟其行過半乃齊呼躍出賊大驚擾散走

盆盎玩 黃山志黃山松天然蟠結儘足供盆盎玩而根盤絕壁過者無由攫取

藥暗花香 何景明古松歌藥暗秋燈梵殿深花香晚飯齋厨靜

羅漢松 屠隆咏羅漢松詩四果總來成佛印一官應不受秦侵

金松 台州府志縣出金松垂條如弱柳結子如碧珠
三年子乃一熟

剔牙松 學圃餘疏栝子松俗名剔牙松歲久亦生寔
化石 素園石譜娶州永寧縣松林一夕大風雨忽化
為石悉皆新截有松節脂脉

松花餅 居山襍錄松花時以杖叩枝紛紛墮落衣袂
承之調以蜜作餅名松花餅

栢

絡石 西使記博囉城山多栢不能株絡石而長

栢作聲 談薈至正中海鹽趙初心掃墓忽聞如老鶴
戛戛聲諦聽乃是一栢樹頃之衆樹同聲逾時方止
後為苗軍火其居

瀉秋聲 許有壬詩翠栢瀉秋聲

再生栢 帝京景物畧平谷縣城東延祥觀栢再生栢
也元時邱真人至盤山過觀中有枯栢扶而摩之曰
憐惜憐惜而去栢乃葉生茂至今焉

蒼龍伏 湧幢小品高皇將兵取婺州過蘭溪見古栢
甚奇駐兵其下後創亭繞之而空其中夜半人望之
輒有蒼龍伏其上王世懋詩何年古栢尚青青曾是
高皇玉輦停不信聖恩偏雨露枝枝都作老龍形

學士栢 明詩話玉堂後栢二株柯學士潛手植也李
長沙選館受業于柯後李教習庶常以學士栢命題
為館課李東陽學士栢歌我見先生種樹年我身尚
短樹及肩枝蟠江山地可縮手斡造化天無權瓊臺

翠閣何森爽院柳庭花敢爭長庇蔭長留六月陰盤
迴直與孤雲上

栢生花 典故紀聞永樂中福建以栢生花為瑞來奏
帝賜勅責之

漢栢 泰山記炳靈殿前漢栢三四株皆連理中一株
最巨輪囷擁腫狀尤詭異至明猶然

千株入雲 隴蜀餘聞自劍州以南盡梓潼縣界古栢
千株皆大數十圍形狀詭異高盡入雲是正德中劍

州守李璧所植

載栢子 先進遺風董三泉家世廉介為蜀州守諸子
請曰大人年高蜀中多美材後事可計也既致政歸
諸子間請于公公曰吾聞之人云杉不如栢也子曰
今所具者栢耶公莞然曰吾載有栢子在種之可耳
其清介如此

不折一枝 本朝陸隴其靈壽志明孝子朱仲福其母
庭前手植一栢仲福終身不忍折其枝晨起即掃栢

子及落葉跪焚之教其子孫必于樹下

栢屏 顧璘栢屏詩壁立青玉屏下見古栢根相憐歲
寒葉鬱作蒼雲屯名園非此種誰可當君門

種盈尺 方孝孺栽栢詩翠栢信良材成長計功遲茲
晨劇烟雨移種盈尺姿

瓔珞栢 豐道生真賞齋賦龍髯之松瓔珞之栢

檜

石作身 虞集古檜詩根到深泉石作身踈踈香葉不

知春

兩見發枝 羣芳譜宣聖手植檜紋皆左紐上聳無枝
而不朽每遇一代興或聖君出則發一枝明祖龍興
世宗繼統曾兩見焉

檜花為瑞 明通紀永樂時蘇揚二府言檜生花為瑞
上曰近蘇松水災蔽不以聞乃以此稱瑞小人務諛
可惡

七星檜 沈周七星檜詩海虞七星檜宜為羣木冠列